



KOMUNIKADO PA PRENSA

Stakeholders den aviashon informá tokante ICAO Audit



Willemstad – Na sèptèmber próksimo Kòrsou lo risibí un ouditoria di parti di e Organisashon Internashonal di Aviashon Sivil (ICAO) pa loke ta kumplimentu ku reglanan i stándartnan internashonal di seguridat den aviashon. Den e kuadro aki, Minister Jesus-Leito huntu ku Outoridat di Aviashon Sivil di Korsou (CCAA) a reuní ku CHATA, CTB, CAP, i CAH tokante e trabounan ku Gobièrnu a bin ta ehersé. Banda di esaki a papia tambe riba kon por traha huntu pa garantisá ku Kòrsou ta pasa e ouditoria ku éksito.

Ouditoria di ICAO

Internashonalmente paisnan a palabra stándart, i reglanan ku otro pa garantisá e seguridat den aviashon mirando ku aviashon ta konektá paisnan ku otro. ICAO (International Civil Aviation Organization) ta e organisashon internashonal di Nashonnan Uni ku a keda establese na 1944 pa manehá e atministrashon i gobernashon di e kombenio internashonal di aviashon sivil konosí komo e ‘Chicago Convention’.

E ouditoria ta tuma lugá den sèptèmber di 2019 i lo analisá tur aspekto di aviashon manera entre otro, lisensia di personal den aviashon, servisionan meteorológiko pa aviashon internashonal, operashon di avionnan, servisio di tráfiko aéreo, i mas.

Progreso



KOMUNIKADO PA PRENSA

Minister Jesus-Leito huntu ku CCAA a ehersé diferente akshon den último año pa pasa e ouditoria, manera krea sosten den konseho di Minister pa e trayekto aki i esun di kategoria 1, atendé ku trayekto pa modernisá e leinan di aviashon, buska personal kapasitá, pone fondonan disponibel pa fasilitá prosesonan. Gobièrnu ta hasiendo su máksimo esfuerso pa logra e ophetivo i lo sigui informá kontinuamente di e progreso trahando huntu ku stakeholders.